

ქალაქ ფოთის მუნიციპალიტეტის 2022 წლის ბიუჯეტის პროექტის
საჯარო განხილვის სხდომის

ოქმი

განხილვა გაიმართა თვითმმართველი ქალაქ ფოთის საბიბლიოთეკო გაერთიანებაში 2021 წლის 17 დეკემბერს. დაწყების დრო -11 საათი, დამთავრების დრო - 12³⁰ საათი.

სხდომას თავმჯდომარეობდა
საკრებულოს თავმჯდომარე

ალექსანდრე ტყებუჩავა

განხილვას ესწრებოდნენ: ქალაქ ფოთის მუნიციპალიტეტის მერი ბექა ვაჭარაძე,
საკრებულოს თავმჯდომარის მოადგილეები, საკრებულოს წევრები,
ქალაქ ფოთის მუნიციპალიტეტის მერის მოადგილეები, ქალაქ ფოთის
მუნიციპალიტეტის მერის სამსახურის უფროსები, არასამთავრობო
სექტორის, პრესისა და ტელევიზიის წარმომადგენლები, ქალაქ ფოთის
მუნიციპალიტეტის საზოგადოებრიობის წარმომადგენლები.

დღის წესრიგი:

- 1.ქალაქ ფოთის მუნიციპალიტეტის 2022 წლის ბიუჯეტის დამტკიცების შესახებ.
ქალაქ ფოთის მუნიციპალიტეტის 2022-2025 წლების პრიორიტეტების დოკუმენტი.
ქალაქ ფოთის მუნიციპალიტეტის 2022 წლის პროგრამული ბიუჯეტის დანართი.
ინფორმაცია ქალაქ ფოთის მუნიციპალიტეტის მიერ დაფუძნებული არასამეწარმეო
(არაკომერციული) იურიდიული პირების 2022 წლის შემოსულობების
გადასახდელებისა და ნაშთის ცვლილების შესახებ.
/მომხს: ბექა ვაჭარაძე - ქალაქ ფოთის მუნიციპალიტეტის მერი/
/მომხს: ვასილ თოდუა - ქალაქ ფოთის მუნიციპალიტეტის მერიის
საფინანსო-საბიუჯეტო სამსახურის უფროსი/
/თანამომხს: ზაალი კვინჩია - ფრაქცია „ქართული ოცნება - დემოკრატიული
საქართველოს“ თავმჯდომარის მოადგილე/
/თანამომხს: ნანა ვეკუა - სოციალურ საკითხთა კომისიის თავმჯდომარე/

- მოისმინეს: ქალაქ ფოთის მუნიციპალიტეტის 2022 წლის ბიუჯეტის დამტკიცების შესახებ.
- ქალაქ ფოთის მუნიციპალიტეტის 2022-2025 წლების პრიორიტეტების
დოკუმენტი. ქალაქ ფოთის მუნიციპალიტეტის 2022 წლის პროგრამული
ბიუჯეტის დანართი. ინფორმაცია ქალაქ ფოთის მუნიციპალიტეტის მიერ
დაფუძნებული არასამეწარმეო (არაკომერციული) იურიდიული პირების 2022
წლის შემოსულობების გადასახდელებისა და ნაშთის ცვლილების შესახებ.
- /მომხს: ბექა ვაჭარაძე - ქალაქ ფოთის მუნიციპალიტეტის მერი/
/მომხს: ვასილ თოდუა - ქალაქ ფოთის მუნიციპალიტეტის მერიის
საფინანსო-საბიუჯეტო სამსახურის უფროსი/
/თანამომხს: ზაალი კვინჩია - ფრაქცია „ქართული ოცნება - დემოკრატიული
საქართველოს“ თავმჯდომარის მოადგილე/
/თანამომხს: ნანა ვეკუა - სოციალურ საკითხთა კომისიის თავმჯდომარე/

ქალაქ ფოთის მუნიციპალიტეტის საკრებულოს თავმჯდომარემ ალექსანდრე ტყებუჩავამ აღნიშნა, რომ დღეს გაიმართება ქალაქის მთავარი საფინანსო დოკუმენტის - ქალაქ ფოთის მუნიციპალიტეტის 2022 წლის ბიუჯეტის პროექტის საჯარო განხილვა და ყურადღება გამახვილა მოქალაქეების ჩართულობის და აქტიურობის მნიშვნელობაზე ბიუჯეტის საჯარო განხილვის პროცესში.

ქალაქ ფოთის მუნიციპალიტეტის 2022 წლის ბიუჯეტის პროექტი საჯარო განხილვისათვის წარმოადგინა ქალაქ ფოთის მუნიციპალიტეტის მერმა ბექა ვაჭარაძემ და ისაუბრა ბიუჯეტის ძირითად მიმართულებებსა და პრიორიტეტებზე.

მერიის საფინანსო-საბიუჯეტო სამსახურის უფროსმა ვასილ თოდუამ მიმოიხილა ქალაქ ფოთის მუნიციპალიტეტის 2022 წლის ბიუჯეტის ძირითადი პარამეტრები. მან აღნიშნა, რომ წინა წელთან შედარებით 2 მილიონ 700 ათასი ლარით არის გაზრდილი 2022 წლის ბიუჯეტი და შეადგენს 23 530,0 ათას ლარს. აღნიშნული ზრდა გამოწვეულია ქონების გადასახადის და დღგ-ს ზრდით. ქალაქ ფოთის მუნიციპალიტეტის ძირითად პრიორიტეტებს კვლავ ინფრასტრუქტურის განვითარება, გარემოს დაცვა, განათლება, კულტურა, რელიგია, ახალგაზრდობა და სპორტი, ჯანმრთელობის დაცვა და სოციალური უზრუნველყოფა წარმოადგენს.

საკრებულოს ფრაქცია „ქართული ოცნება - დემოკრატიული საქართველოს“ თავმჯდომარის მოადგილემ ზაალ კვინჩიამ წარმოადგინა პრეზენტაცია ქალაქ ფოთის მუნიციპალიტეტის 2022 წლის ბიუჯეტის პროექტში ინფრასტრუქტურის განვითარების მიმართულებით, რომელიც დაფინანსებულია 5 233,7,0 ათასი ლარით. მან აღნიშნა, რომ ინფრასტრუქტურის განვითარების მიმართულებით გათვალისწინებულია შემდეგი სფეროების დაფინანსება: საგზაო ინფრასტრუქტურის განვითარება, გარე განათება, სანიაღვრე არხებისა და სატუმბი სადგურების მშენებლობა, რეაბილიტაცია და ექსპლოატაცია, ბინათმშენებლობის მიმართულება, კეთილმოწყობის ღონისძიებები, სერვისების ცენტრის ხელშეწყობა, სამშენებლო ტექნიკური ზედამხედველობის სამუშაოების ჩატარება, ინფრასტრუქტურული ობიექტების მშენებლობის პროექტირება, საქართველოს რეგიონებში განსახორციელებელი პროექტების თანადაფინანსება, მელიორაციის ხელშეწყობა, ცენტრალური პარკის ხელშეწყობა. ინფრასტრუქტურის განვითარებაში შედის აგრეთვე შემდეგი სფეროების დაფინანსება: დასუფთავება და გარემოს დაცვა, რომლის საერთო ბიუჯეტი - 1 მლნ 750 ათასი ლარია, დასუფთავება და ნარჩენების გატანა, გამწვანებული ტერიტორიების მოვლა-პატრონობა, უმეთვალყურეოდ დარჩენილი ცხოველების იზოლაცია. მომხსენებელმა ვრცლად ისაუბრა თითოეული სფეროს დაფინანსებისა და განვითარების აუცილებლობაზე.

საკრებულოს სოციალურ საკითხთა კომისიის თავმჯდომარემ ნანა ვეკუამ წარმოადგინა პრეზენტაცია ქალაქ ფოთის მუნიციპალიტეტის 2022 წლის ბიუჯეტის პროექტში ჯანმრთელობის დაცვის, სოციალური დაცვის, სკოლამდელი აღზრდის, კულტურის, სპორტის, ახალგაზრდობის და განათლების მიმართულებით. მან აღნიშნა აგრეთვე 2021 წლის მიღწევები და გამოწვევები ამ სფეროებში. ისაუბრა 2022 წლის ბიუჯეტის პროექტში ჯანმრთელობისა და სოციალური დაცვის, სკოლამდელი სააღმზრდელო გაერთიანების დაფინანსების გაზრდის შესახებ.

- აზრი გამოთქვეს: ქალაქის საზოგადოებრიობის და არასამთავრობო სექტორის წარმომადგენლებმა: კერძოდ ასოციაცია „დიოსკურიას“ თავმჯდომარემ ნონა ხუხიამ, ასოციაცია „თავისუფალი თაობის“ და სოციალურ მუშაკთა რეგიონალური ასოციაციის თავმჯდომარემ შორენა მირცხულავამ. დასმული შეკითხვები შეეხმ

სოციალურ და ინფრასტრუქტურულ პრობლემებს, სამოქალაქო ბიუჯეტირების საკითხს, გენდერული თანასწორობის ხელშეწყობის პროგრამასთან დაკავშირებულ საკითხებს, ოჯახური ძალადობის მსხვერპლთა დაცვის ღონისძიებებთან დაკავშირებულ საკითხებს, მმიმე სოციალურ-ეკონომიკურ პირობებში მარტოდ მცხოვრებ (მარტოხელა) სოციალურად დაუცველი მოქალაქეებისათვის გაზიფიცირების ხელშეწყობის პროგრამის საკითხებს. სხდომაზე დასმულ შეკითხვებს უპასუხა ქალაქის მერმა და მერიის შესაბამისი სამსახურის უფროსებმა.

დაადგინეს: მიღებულ იქნეს ცნობად ინფორმაცია „ქალაქ ფოთის მუნიციპალიტეტის 2022 წლის ბიუჯეტის დამტკიცების შესახებ“ ქალაქ ფოთის მუნიციპალიტეტის 2022-2025 წლების პრიორიტეტების დოკუმენტი, ქალაქ ფოთის მუნიციპალიტეტის 2022 წლის პროგრამული ბიუჯეტის დანართი. ინფორმაცია ქალაქ ფოთის მუნიციპალიტეტის მიერ დაფუძნებული არასამეწარმეო (არაკომერციული) იურიდიული პირების 2022 წლის შემოსულობების გადასახდელებისა და ნაშთის ცვლილების შესახებ. (თან ერთვის).

საკრებულოს თავმჯდომარე

ალექსანდრე ტყებუჩავა

